

Cumischiun da gestiun S-chanf

Rapport e proposta da la cumischiun da gestiun davart la revisiun da quints e la controlla da gestiun da l'an 2019 da la vschinauncha da S-chanf.

In basa a l'artichel 53 dals tschantamaints cumünels examinescha la cumischiun da gestiun ils affers da l'administraziun cumünela, impustüt eir la gestiun da la suprastanza cumünela, il forestel ed ils fondos e legats. Ella ho da rapportar in scrit a la radunanza cumünela e da fer üna proposta.

La cumischiun da gestiun po incumbenzer impü l'Uffizi da vschinaunchas dal chantun Grischun u a perits privats cun l'examinaziun da la contabilted e da la gestiun.

Contabilted e rendaquint 2019

La suprastanza cumünela es respunsabla pel quint annuel. Nus vain l'incumbenza e la respunsabilted da controller il quint e da fer ün güdicat in chosa. La cumischiun da gestiun ho controllo - in collavuraziun cul post da revisiun extern (Lischana Fiduziari SA), chi'd es gnieu incumbenzo da la suprastanza cumünela il rendaquint 2019, chi consista dal bilauntsch, dal quint da gestiun, dal quint d'investiziuns, dal quint da la circulaziun da munaida sco eir da l'aggiunta.

La controlla es gnida fatta uschè cha sbagls essenziels aint il quint annuel vessan pudieu gnir identifichos. Culs revisuors externs da la Lischana Fiduziari SA vains nus discus principelmaing l'applicaziun dals princips da rendaquint decisivs, ils princips da la contabilted armoniseda per rendaquints publics (MAC2/HRM2), las decisiuns essenzielas da valütaziun scu eir la preschantaziun dal quint annuel in sia totalited.

Controlla da gestiun

La cumischiun da gestiun ho controllo la gestiun 2019 dals organs cumünels e da l'administraziun impustüt tenor las glistas da pendenzas da l'anteriuira cumischiun da gestiun.

Saviand cha'l decasteri forestel ais involt in ün' inquisiziun davaunt la procura publica e chi vain prosmamaing instradeda üna controlla externa da l'administraziun e gestiun cumünela da la deponia da materiel Bos-chetta Plauna nu vains nus revais quists decasteris.

In quist occasiun rendains nus attent cha la cumischiun da gestiun actuela nu surpiglia üngüna respunsabilted per affers dal passo.


Proposta


Sün fundamaint dals resultats da nossa controlla propuonins nus a la radunanza cumünela d'approver il rendaquint 2019 chi serra giò cun ün guadagn da CHF 914'487.73 e da der dis-charg a la suprastanza cumünela, a l'administraziun ed als organs cumünels.

Nus rendains attent, cha tenor art. 31 da la ledscha da finanzas dal chantun Grischun (LFC) e tenor art. 28 da l'ordinaziun correspondentia, es l'executiva in dovair d'introdüer a partir dal 2019 ün sistem da controlla intern. Il sistem da controlla nun es hoz auncha avauntmaun.

S-chanf, 8 december 2020


Christian Berger, president


Jon Peider Lemm


Jnes Barblan